



Republika e Kosovës
Republika Kosovo – Republic of Kosovo



Komuna Ferizaj



Komuna Shtime



Komuna Kaçanik



Komuna Hani i Elezit


MEMORANDUM MIRËKUPTIMI

NË MES TË

**KOMUNËS SË FERIZAJT
KOMUNËS SË KAÇANIKUT
KOMUNËS SË SHTIMES
KOMUNËS SË HANIT TË ELEZIT**

DHE

QENDRËS PËR MBROJTJEN E GRAVE DHE FËMIJËVE, FERIZAJ



Në pajtim me nenin 17.1 (k) të Ligjit për Vetëqeverisjen Lokale Nr. 03/L-040 (Gazeta Zyrtare e Republikës së Kosovës, nr. 28) dhe në pajtim me statutet e komunave respektive,

Komunat Ferizaj, Kaçanik, Shtime dhe Hani i Elezit (në tekstin e mëtejshëm “komunat”) në një tërësi anë dhe

Qendra për Mbrojtjen e Grave dhe Fëmijëve „Shtëpia ime“ në Ferizaj, (në tekstin e mëtejshëm “strehimorja”), si palë nënshkruuese pajtohen si më poshtë:

Memorandum i Mirëkuptimit (MM)

**Për mbulimin e pjesshëm të shpenzimeve për strehimoren për një periudhë tre (3) vjeçare:
2021, 2022, 2023**

Neni 1

Qëllimi i MM-së

1. Komunat zotohen të ofrojnë mbështetje financiare për strehimoren që ajo të kryejë funksionin e saj në mbrojtje të viktimave të dhunës familjare dhe atyre të dhunës në baza gjinore.
2. Objekti i strehimores gjendet në komunën e Ferizajt dhe ju shërben të katër (4) komunave të sipërpërmendura.

Neni 2

Obligimet e Komunave

1. Komunat do të kontribuojnë bashkarisht për nevojat financiare të strehimores duke u bazuar në Planin Vjetor Financiar dhe Operacional të strehimores.
2. Kontributi financiar i secilës komunë përbëhet nga dy komponenta:
 - 2.1 Shuma e barabartë vjetore për secilën komunë për mbulimin e shpenzimeve operacionale dhe të mirëmbajtjes.
 - 2.2 Shuma e ndryshueshme vjetore, sipas nivelit dhe kostos së shërbimeve të ofruara për viktimat - banorë të komunave respektive, gjatë vitit të kaluar kalendarik.

3. Për vitin 2021, kontributi financiar për komunat është si më poshtë:

Komuna e Ferizajt – EUR 4000,00

Komuna e Kaçanikut – EUR 500,00

Komuna e Shtimes – EUR 500,00

Komuna e Hanit të Elezit – EUR 500,00

4. Për vitet 2022 dhe 2023, kontributet do të përlllogariten sipas nenit 2, paragrafi 2 dhe metodologjisë së përcaktuar në Shtojcën 1.

5. Një grup i përbashkët pune me përfaqësues nga të gjitha komunat e përfshira do të përcaktojë kontributet për 2022 dhe 2023, jo më vonë se 20 janari i vitit respektiv. Këto vendime do të paraqiten në Shtojcën 1.

6. Nëse disa komuna vendosin ta rrisin kontributin e tyre me vetëdëshirë, kjo nuk do të ketë pasoja për obligimet e komunave tjera të përcaktuara në MM.

7. Fondet për kontributet do të alokohen nga kategoritë buxhetore Subvencione dhe Transfere dhe do të transferohen në llogarinë e strehimores në një pagesë të vetme, jo më vonë se data 31 janar e secilit vit fiskal.

8. Komunat mund të mbështesin strehimoren edhe në menyra tjera sipas nevojës së strehimores (psh. pagesa e qirasë mujore, lëndë djegëse për ngrohje, pagesën e shërbimeve si rryma elektrike, mbeturinat, ujit, furnizimin me ushqime apo pajisje për nevoja të viktimave etj).

9. Komunat do të mbajnë takime të rregullta me qëllim informues me strehimoren se paku një herë në muaj.

Neni 3

Obligimet e strehimores

1. Strehimorja do të dorëzojë një kërkesë zyrtare për ndihmë financiare bashkë me Planin Vjetor Financiar dhe Operacional të komunat, jo më vonë se data 15 janar në vitin për të cilin mbështetja kërkohet.

2. Strehimorja është e obliguar të dorëzojë një raport financiar tre (3) mujor bashkë me faturat përkatëse të komunat.

3. Strehimorja është e obliguar të dorëzojë Komunave një raport financiar vjetor jo më vonë se data 31 Dhjetor. Raporti duhet të përmbajë edhe një pasqyrë statistikore që tregon se sa viktima ka shërbyer strehimorja gjatë vitit dhe nga cilat komuna vijnë ato.

4. Në rast të mosrespektimit të ndonjërit nga paragrafet e nenit 3, komunat kanë të drejtë të mos kryejnë pagesat respektive deri sa të zbatohen obligimet.

Neni 4

Dispozitat përfundimtare

1. Kryetarët e komunave do të sigurojnë implementimin e plotë të këtij MM.

2. MM do të nënshkruhet në gjashtë (6) kopje origjinale dhe secila palë do të ketë një kopje.

3. MM hyn në fuqi ditën e nënshkrimit..

4. MM do të publikohet në uebfaqet e komunave.

Neni 5

1. Mosmarrëveshjet mes palëve do të zgjidhen me vullnetin e mirë të palëve.

Ferizaj, 1 qershor 2021

Nënshkruesit e Memorandumit të Mirëkuptimit

PËR KOMUNAT:

Kryetari

Komuna e Ferizajt

për: 

Kryetari

Komuna e Kaçanikut

Kryetari

Komuna e Shtimes


Kryetari

Komuna e Hanit të Elezit

PËR STREHIMOREN:

Drejtori



Metodologjia për përcaktimin e kontributeve për komunat, për vitet 2022 dhe 2023

1. Shpenzimet vjetore të strehimore (sipas Planit Vjetor Financiar dhe Operacional)
2. Kontributet e Ministrisë së Punës dhe Mirëqenies Sociale
3. Shuma totale e kontributeve vjetore sipas MM: #1 - #2.
4. Përcaktimi/përlllogaritja e kostos së mirëmbajtjes së strehimore (sipas Planit Vjetor Financiar dhe Operacional)
5. Përlllogaritja e kontributeve financiare individuale (Komponenta 1): #4 / 6
6. Përcaktimi/përlllogaritja e kostos së shërbimeve të ofruara nga ana e strehimore (sipas Planit Vjetor Financiar dhe Operacional)
7. Përcaktimi/përlllogaritja e % së viktimave nga secila komunë, në raport me numrin total të viktimave (sipas Raportit Vjetor Financiar).
8. Përlllogaritja e kontributeve financiare individuale (Komponenta 2): #6 * #7.
9. Kontributi final vjetor për komunë: #5 + #8.